

सुगना पुकारे रामाराज ने सुगना री पुकार लिरिक्स



सुगना पुकारे रामाराज ने,
सुगना पुकारे रामाराज ने,

दोहा – बीरा मारा रामदेव,
रानी नेतल रा भरतार,
आ सुगना री विनती,
बीरा एकर लेवन आव ।
केतो आज्ञा बीरा रामदेव,
नितर तो लिख भेज संदेश,
नैनो मे आंसू पड़े,
ज्यु सावन बरसे मेघ ।

सुगना पुकारे रामाराज ने,
ओ बीरा एकर लेवन आवो रे हा,
ए बीरा ओलु थारी आवे रे हा,
ए बीरा ओलु थारी आवे रे हा।bd।

दुख में पुकारे सुगना बेनडी ओ बीरा,
लेवन वेगा आवो रे हा,
माने लेवन वेगा आवो रे हा,
नैनो मे बरसे सावन भादवो रे बीरा,
आंसूडा ढलकावे रे हा,
ए बीरा लेवन वेगा आवो रे हा।bd।

क्यु रे परणार्ई दुख रे मायने ओ बीरा,
अलगी पुंगल माई रे हा,
ए बीरा अलगी पुंगल माई रे हा,
हिवडो भरीयो छाती ऊबके रे बीरा,
पिवरिया रे ताई रे हा,
ए बीरा पिवरिया रे ताई रे हा।bd।

झुर झुर रोवे थारी बेनडी ओ बीरा,
आंसूडा ढलकावे रे हा,
ओ बीरा आंसूडा ढलकावे रे हा,

समस्त भजनों के लिरिक्स और विडियो बिन इन्टरनेट के ही हम लोग आप को इंग्लैंड में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



मन मे दया तो विचारी रे हा,
ओ मन मे दया तो विचारी रे हा।bd।

बारहे वर्षा ती सुगना बेनडी ओ बैठी,
सासरिया रे माई रे हा,
बैठी दुखड़ा रे माई रे हा,
अबके बताय दो माने रूकडा ओ बीरा,
पिवरिया ले जावो रे हा,
माने रूनीचो दिखलाय दो रे हा।bd।

छोटी उमर में मरगी मावडी ओ बीरा,
माने क्यु बिसराई रे हा,
छोटी उमर मे मरगी मावडी ओ बीरा,
माने क्यु बिसराई रे हा,
ए माने अलगी क्यु परणाई रे हा,
अरे भूँडा बोले जी माने सासरे ओ बीरा,
सुसरोजी सतावे रे हा,
के नन्दल नन्दल भूँडा बोले रे हा।bd।

भूँडा बोले जी माने सासरे ओ माने,
सासुजी सतावे रे हा,
के नन्दल नन्दल डोडी बोले रे हा,
रतनो आयो रे लेवन कारणे ओ बीरा,
दीनो कैद करारी रे हा,
के वेतो बैठो जेला माई रे हा।bd।

उंदो लटकायो कुआँ मयाने ओ ऊपर,
शिला रे सरकाई रे हा,
दियो जंजीरा जडवाई रे हा,
ब्याव रचायो बीरा आपरो ओ बेनड,
बिलखे पुंगल माई रे हा,
के सुगना तरसे पीहर ताई रे हा।bd।

लेवन ने आवो बीरा बहन ने ओ,
नाचु बन्दोली रे माई रे हा,
ओ नाचु बन्दोली रे माई रे हा,
समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल
एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



के गावु गीत छोका आय रे हा,
अरज करूजी रामा आपने ओ बीरा,
सुनता वोतो आवो जी हा,
ए मारी अरजी सुनता आईजो जी हा।bd।

ए आधी ने अधरात रामदेव जागीया,
ओ बेनड बिलखे मारे ताई रे हा,
सुगना बिलखे मारे ताई रे हा,
लीलो घोडलीयो लावो बारने,
ओ लेवन सुगना ने मै जावु रे हा,
के कैद रतना री छुडावु रे हा।bd।

माता मैणादे उठ बोलीया ओ बेटा,
कटिने सिदावो रे हा,
ओ बेटा कटिने सिदावो रे हा।bd।

पुंगल मे बिलखे सुगना बेनडी,
ओ माता लेवन सारू जावु रे,
के रतना री कैद छुडावु रे हा,
तेल चढीयोडो बेटा रामदेव,
थारे मेहन्दी हाथा लागी रे हा,
के हाथा कांकन डोरा बंधीया रे हा।bd।

अरे पीठी रे लागी रे थारे डील रे,
ओ थाने फुलडा रे पहराया रे हा,
के जाया सावे तू चढीयोडो रे हा,
रामजी करे जिया होवसी रे,
माता जानो पडसी रे हा,
के सुगना ने लावनी पडसी रे हा।bd।

शंख घुरायो रामापीर ने ओ,
संग चढीया देव सारा रे हा,
के संग चढीया देव सारा रे हा,
ए हनुमंत भेरू काला गोरा रे हा,
ए हनुमंत भेरू काला गोरा रे हा।bd।

समस्त भजनों के लिरिक्स और विडियो बिना इन्टरनेट के भी अपने मोबाइल में देखने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करे। वेबसाइट - <https://www.bhajandiary.com>



हडबू पाबू ने गोगा वीर ने जी ओ,
रावलमाल राठौड़ पूरा रे हा,
के देव तैतीस करोडा सारा रे हा,
हडबू पाबू ने गोगा वीर ने जी,
रावलमाल राठौड़ पूरा रे हा,
के रावलमाल राठौड़ पूरा रे हा।bd।

तोपा छूटे पुंगल मायने ओ,
आग लागी गढ रे माई रे हा,
के भारत रचीयो पुंगल माई रे हा,
के भारत रचीयो पुंगल माई रे हा।bd।

सुगना केवे जी बीरा साम्भलो रे,
भानु महला रे माई रे हा,
के भानु महला रे माई रे हा,
इतरो सुनता ही रामाराज ने,
ओ मन मे दया तो विचारी रे हा,
मन मे दया तो विचारी रे हा,
ए माया मेट दीनी सारी रे हा।bd।

चरनो मे पडीया सगला आयने,
ओ पडियार सगला भाई रे हा,
पडियार सगला भाई रे हा।bd।

अरे परसु पुगावा थारी बहन ने,
ओ बैल रथडा तो जोतावा रे हा,
के आसी सुगना ब्याव रे माई रे हा,
अरे परसु पुगावा थारी बहन ने ओ,
बैल रथडा जोतावा रे हा,
के आसी सुगना ब्याव रे माई रे हा।bd।

रतना री दूटी पग री बेडीया ओ,
झटके जंजीरा तोडाई रे हा,

समस्त भजनों के लिरिक्स और विडियो बिना इन्टरनेट के भी सुनने के लिए गूगल प्ले स्टोर या एप्पल एप्प स्टोर से 'भजन डायरी एप्प' जरूर इनस्टॉल करें। वेबसाइट - <https://www.bhajandiary.com>



रतना री टूटी पग री बेडीया ओ,
झटके जंजीरा तोडाई रे हा,
ए बाबो जेल तो छुडाई रे हा। bdi

अरे सुगना तो केवे बीरा रामदेव जी,
ओ रामदेव थे भाई रे हा,
ओ बीरा लाज तो बचाई रे हा,
अरे सुगना तो केवे बीरा रामदेव जी,
ओ रामदेव थे भाई रे हा,
ओ बीरा लाज तो बचाई रे हा। bdi

ओ हो अर्जुन सिवरे बाबा आपने,
ओ बाबा दुखडा थे निवारो रे हा,
ओ बाबा दुखडा थे निवारो रे हा,
के भगता रा कारज थे सारो रे हा। bdi

गायक – प्रकाश माली जी ।
प्रेषक – मनीष सीरवी
9640557818
